

甲
乙
雜
箸



甲乙雜著

（附錄）

附錄

甲

乙

雜

箸

係
肩
著

中
華
書
局

叢書集成初編

甲乙雜著

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一
統一書號：一七〇一八·一五一

此前明遺逸孫梅谿先生所著也。先生隱於僧，讀其書可以知其志。善書。今天醫道院四字扁，是先生手書。此冊得於舊家，世無副本，寶之。光曾記。

此書從友人藏本借鈔，字經三寫，已多譌闕。末有小記，署光曾爲戴君松門、嘉興諸生以學行受知於阮文達者。孫氏事蹟無可考，文中有戊子諸君子之膏數語，不可曉，必有舊誤。戊子當國朝順治五年，時金聲桓、李成棟、姜瓖復叛，於是殷頑若楊崑、周世臣等乘閒構亂，事發牽連，伏誅者百餘人，疑指此其言景鴻父、乙酉慷慨盡節，與吳危齋書及其園中紀詠，語頗末疑爲徐似之。尙書石麒麟子名爾穀，被執下獄，抗詞不屈，與錢彥林、夏存古同日受戮。妻孫氏自沈殉夫，證以生爲余戚語近之，然不敢信也。明社旣屋，遺黎託于緇流，恆詭名姓，卷中所存，今皆無可復問。文字雖拙，尙無悖妄語，諒其心苦，取而存之，思悲翁記。

甲乙雜著

告城隍文

橋李孫周著

某爲僧一十六載。馬齒知非。內疚日增。外火潦至。既絕生趣。惟有死門。莫由告訴。瀝血抒衷。敬詞於城隍之神曰。某聞死生有命。子夏曾問。問事鬼神。夫子不告。然漢文徵宜室之談。毫髮不爽。周王威內史之對。禍福無移。造物於人。自有默定。能生能死。則神明能獨宰也。某七齡背母。十一歲棄父。怙恃之恩。早失。夢我之痛。鮮知。伶仃茹毒。踰躅艱行。童時館外家。及長失師訓。上不型典謨遺範。下不窺先德名言。游弈自墮。玩物自喪。濫廁庠序。實忝章句。賴皇朝沐浴之深。藉祖廟清白之貽。知忠孝節義所在。心腹腎腸可敷。雖翼思躍。鵬志欲搏。恭值大行崇禎皇帝季年。五斗外亂。三韓□□。下漢武賢良之詔。效毛遂處囊之鏃。尤悔千祿。天爵靡從。亡何運邁陽九。鼎沸莫攀。已覆前車。猶繼後轍。徧天下□□。而儼一僧。儼自視力不足。哭秦。目能戴□吳嗟非西山。誰憐東海。一十六年之間。枳橘之方易處。薏苡之勝頻興。自謂大憲朋來。無復可干酒食。靈輻絕望趙宣。淮陰久虛漂母。販鷺難逢伯樂。囊木不遇中郎。骨肉貧而竄寄。朋友賤而見疏。虎狼有仁。人心山澤。返服恥同。類涉川久恨無徒。彼何人斯。通塗曷之往。舉世莫之信。天壤之間。奚生此人。天之所廢不可支也。某又聞之。往因來果。佛教所明。前作今受。人倫咸奉。使他日有被浮名得。曰橫目望賜。迴日之戈。讀進履之書。攻克伏戎。有命承家。方袍□見官儀。懸劍報同國士。儻白首無成。幽

情尙繫望制命短長終朝三視或乘白驥而來或從烏江而逝不求羊祜金環敢希都中蟲火虞惺願爲忠義之鬼某願如之不得爲人或爲濟陽之鳳或稱一角之麟同現河清之日郭景純自知命盡陶彭澤自作祭文某早知有此事也冒干神聽函敕端行某叩首叩首待命之至瀝血爲文上疏

告兩府君文

爲僧不孝兒某上達大參勸卿兩府君祠下兒百拜百拜泣血謹言王修七歲喪母感鄉里罷社兒時育於庶母嬉戲恆若邴原十一歲成孤感鄰師授業兒時訓於外傳志學不能幼愧古人兒不如死也舞鏡而歸仲謀勸婚年已十七矣執經罔就次學蔑聞家聲映雪亦聞囊螢曾不能拾芥紆青乃爲銅臭資郎壯愧古人兒不如死也年及知命不顧室家妻息飄零戚友擯棄猶發劉琨祖逖之憤效李康劉峻之言視陶朱貨殖之營陶潛詩酒之娛何其遐哉老愧古人兒不如死也又甲乙之變繼恨均天榮傭蹢躅碎首乞丐賦詩投洽以不事王侯爲高尚以託跡空門爲肥遯不能同塗戊子以來諸君子之膏見天下忠臣義士蒙首未遑兒可生乎爲僧一十六年一衲已敝一磬已懸羅襪亦爲曠鉢何充乃復借金巧媳難炊無米嗟飯豈肯同眸兒可生乎程嬰不負杵臼千古之有孤也山濤不負嵇康千古之有友也六尺之孤雖存寢邱之戶未封縱有楚王術無優孟反躬自責尙可爲易兒可生乎嗚呼兒進不能佐三尺之功退不能盡一死之節君讎不報父恩不酬養子不教撫孤不忠五倫已絕況有三不如死三不可生抑愧則夏日毛寒俯作則冬月汗注早隨膝下於九泉勝生口世於一刻兒某百拜百拜泣血謹言

乞食文

五十不知非。六十猶未化。鳥寄一枝。螢鳴四壁。谿無明月。僧掩殘經。隨飯誰譚。孟生黔突。久同墨子。夜宿則寒。蟬吸露。曉立則霜。竹餐煙。慟哭朱公。始悲歧路。受知鮑叔。已在天涯。衰柳增十圍之嘆。荒畦泣西山之歌。擬投步兵。狂無阮籍。敢希執炙。終報顧榮。秦穆公不斬一馬。得解環車。趙宣子能施一飯。不忘倒載。酒食不敢困。恩德不敢孤。吳均有移文。孔融有禁論。故慕何次道之高風。勿令劉公榮之獨醜。

胡濤公詩序

余與先生交三十餘年。海內論交者。莫我兩人。余學詩者也。非能詩。莫交。先生能詩者也。非善學詩。亦莫交。余兩人交如是。昔人論詩之作。靜若高山。動若浮雲。素如秋蓬。藹如春葩。先生之詩更多骨。多慷慨。多東方漫世之言。多南阮白眼之態。雖不近於人。而人多爭與交。別來三十年中。所過名山大川。山水爲之調響。雲月爲之朗和。揚舲飛蓋。遇若姑射。頃來嘉禾。尋三十年故交。余爲僧二十年矣。相對嗟吁。乃出近藁廣詠。余越人也。先生楚人也。曾聞陳軫之言乎。況余抱莊舄之病。更深能作楚音哉。非敢謝不敏也。先生曰噫。果越人之聲也。

矮翁小傳

矮翁。浙西秀州人也。世爲明顯。乙酉出家。年三十四歲。慕長汀子爲人。放浪不羈。絕口不言世事。逢人但合掌念佛。結屋南湖之南。梅谿之墟。友人題詩。風顛顰蹙。恣優游。結卻從前布袋頭。一笑滄桑驚世晚秀。

州翻作古邛州。後過昭陽受法。記荊吳太師贈詩。割宅菴居謝愛憎。風流嘯咏一枯藤。梅谿臥月悠然遠。杖履隨雲自在登。賓主原分臨濟喝。伽梨今付秀州僧。甯知陶令攢眉意。入社聯吟愧未能。行跡迥異。時人莫測。

沈居士孤塚記

嗚呼。此沈居士諱某之孤塚也。嗚呼。居士吳人。幼慕華寶之孝。終身不娶。寓禾。善與人交。慷慨任事。爲人所難。年四十一而終。宗族既絕。感山陽之信友。遷祖父兩棺同葬。梅谿之乾隅。置贍田五畝。永存梅谿。供稅課。烝祀之費。足慰地下矣。余嘗論天道報施。不於其身。於其子孫。今居士墓門有木。碑石有隸。浮屠氏爲之世守。視世間生懷徵蘭之慶。死懼伯道之憂。可不一大感慨歟。故爲之記。

賣字說

余年來貧。乃作賣字說。客曰。字可賣乎。何異賣菜傭也。余曰。否否。右軍換鵝。巨山書壁。所處不同也。余十歲而孤。過庭乏訓。長讀遺書。三十不能賣聲名於天下。謀所以善身。偶從華亭陳仲醇先生游。每歎文章品節。盡於字學。出其所蘊。拜而藏之。未幾家遭歲困。遂薄世情。名隸傳燈。慚非素履。腹膺輪扁之喻。退慕老氏之言。塊然獨處。二十餘年。莊生衣履久敝。顏子簞瓢屢空。靡從仁祖之乞。不因比舍之炊。敢蹈闕澤之蹤。甯貽仲將之誚。曹子建云。鹹水之魚。不游於江。淡水之魚。不入於海。固所習也。乃作賣字說。以當募券。客曰。唯唯。

漢壽亭侯讀

道統三教德並乾坤九州香火天下歸仁力不可回志不克酬當年社稷至今存劉驥莫能申廟簡帝心一腔心事萬古沈吟

書生棺銘有序

莊生云善吾生者乃所以善吾死也。已陳芻狗知無可用。牢筭之處知無可生。況口憂危易囁朝露哉。散木速腐不知其非。豫置空棺顧影灰心耳。道士以天地爲棺槨。達人以蘆蓀裹屍骸。念之慚愧。勳卿孤子僧勝名肩方袍圓顱。寧堵波阡延陵顧博平陵要離汝行我志子孫其宜。

跋旅塵後

天地亦旅也。萬物亦旅也。此見道之旅也。騰躍數仞亦旅也。扶搖九萬亦旅也。此達生之旅也。轆環天下亦旅也。應聘列國亦旅也。此聖賢之旅也。迫有人焉名其居曰旅塵。則又塵垢萬物陶鑄聖賢者耶。噫可與把臂入林矣。

跋靜遠居

此後漢武侯語也。武侯躬耕南陽鼎立西蜀出處文章大業盡在乎此。服膺無斂不負其名。

書史後語

不知今古遇事輒墜。尤僧家之大病也。要知成佛作祖不離忠孝節義四字。丙午寒食風雨爲鳴。寤不成。

鯢再一涉獵以明世間法出世間法元不兩概豈青氈爲我家故物也哉

自擬詩語

某遭逢不偶出處乖違廁跡僧流宵慚衾影憂傷久抱霜露全晞伯玉知非之年桑戶反眞之日於某年某月某日某時弗疾弗藥而終嗚呼箕裘既墮忠孝復泯生死蔑聞綱常是玷不望素車遠奔奚煩生獨密置遺楮代辭異路銘感

掩關謝客語

陋巷久虛結廬之縱空山已絕好事之跡斷臂甯堪病骨折肱敢保遺席夫子無言非關柑口丁蘭有涕願學居廬或駕紫蓋之車或汎清翰之舟當知看竹不須主人何妨持柑自往

病書客坐語

某身貧道貧生計日拙友誼戚誼交往久疏年未周甲形先四渙兩目味糠左耳塞豆對面每多錯認高聲時亦誤聞流火上炎溼疾下墜支頤不能運足捧腕豈便舒毫凡百君子祈諸賜鑒至於范丹有閭里之歌陸納無茶果之供已蒙宥外不在懇中

歲朝邀同人入社語

某遜跡僧流尙淹塵閭貌非陽貨不信匡人服竊叔敖終欺楚主舊友騰聲新交嘲笑千秋蠶業四始勝集沽酒能醉陶公執經當推元度孔佛同輪禹稷易地

題無相長老像後語

余識公於亂離之際。知非浮屠中人。相對久之。各出新亭之淚。短髮直指。怒目銜鬚。真不減魯陽揮戈。舞陽持楯時也。挑竹杖。紮芒屨。高歌曹孟德之詩。余乃和之曰。老驥老驥。何時可還。千里之思。何如西山。西山無薇。與子同飢。西山無蕨。與子同歿。微兮歲兮。嗟時之邁矣。每相對引滿。仰天鳴鳴而已。

傳親友分析遺產語辛卯歲

子公門牆。鬼神能瞰。趙嘉慕褐。風雨自明。飄零一僧。知無還日。伶仃二子。遲歸有時。父不肯堂肯播。母獨茹苦茹荼。豈祖澤之靡遺。實余躬之多戾。尙存一線。謹憑三黨。

答謝某當道書

某聞之。天不私蓋。地不私輿。某戴明公之德是也。某失怙遺豎。幼學靡稱。內絕三黨之親。外蔑三益之友。焚焚撫摩外氏。蹶蹶顛沛中年。非同阮籍之悲。實切楊朱之慟。身既爲僧。家如脫屣。久淹白業。幸際朱輪。食鮭難供。相國之醇醪。江樓何當。刺史之臥閣。君子德風。小人懷惠。方寸未失。野性猶舊。顧言貌不足動人。智謀不能自衛。先人一塵。戎馬踐落。神鬼爲泣。風雨爲鳴。更賴明公。恩威並及。情惠兼施。使烏有先生。原無姓氏。梁宋諸生。還有餘金。庭墟不遷。松菊不翦。十年以來。是頂是踵。戴明公之德。譬渤海而俱深。方嵩華而猶重。頤積寒暄。曠延馳驟。背德不祥。相鼠無禮。某知之矣。家存四壁。星散雲行。乳臭二男。東流西播。雲水相依。箕裘已墮。芝蘭每成枳棘。薏苡可作明珠。復更賴明公。合一之宏。位三之照。盆下有光。不假

燭火然猶戰慄未敢僭函瞻征雲而結轡望葆纛而驚神言念此私心難掩護近探密友復悉懿親聞長缺之歌車魚並錫聽鈞天之樂涕淚交流所以然者威德彌深不覺喜極而悲生於心也枯骨施澤西伯莫渝鮒魚斗水莊周得治某始終之託惟明公是賴焉伏思廊廟草澤是難濶率禪誦之暇每覽古人拂拭之優蹤窮士知遇之奇跡某不知身處溝壑之中而欲翅雲霄之上也某頓首頓首死罪死罪謹復以申

遣子謝荅某當道書

某青絢末學白社狂人昔賴先人遺緒備數閭里十年樹下頭陀不識山林之趣更抱柴桑脚疾聊息溝壑之間蛩蛩謀無善草周周計苦衝霄不圖太陽所歷陰谷生溫非從左右先容豈因羣公後譽入羣竈之廢材藉以揚聲駕鹽車之驚骨遇以託跡仰瞻安石器量俯鑒有道人倫漸比支遁高流何當王公下問耕桑閒過竹院煮水共析茶經道術相忘形骸頓置隨願鉤敕愛護波深捧讀瑯函寵施格外恩同留玉報愧銜珠麋鹿罔識天階筆札謹憑豚子

荅婁東某縉紳書

某飄零一衲自謂不敢望錄縉紳先生之齒牙一朝邂逅湖山得蒙青眼兼及黃口白蓮之社借彭澤遂爲高賢犂牛之子遇夫子方稱駢角何當汝南月旦難關通德門牆曠達以來未能修刺非避寒暑實切病狂台慈不以不才鳴鼓自憐砥礪罪覺負山詎謂反賜芳函綢繆益甚當事得推烏屋同門更託金蘭

仁人用心。其利溥哉。佳刻并登。萃成淵藪。歲茲云暮。未報明珠。春羞行潦。少展深誠。

荅汪搢紳書

風景日非。行業日墜。矯首東山。如瞻西國。桓公有衰柳之悲。庾生有枯樹之歎。情符痛寐。晤比關山。慚愧古人。造道之深。抑切今狂。無據之蕩。手示漢封閣廢址。雖先人別業。常勝因未舉。方將附搢紳先生之末。勸請白法大師。久住樂成。優孟之談。實無管叔。但本寺諸公。步趨異故。不同其心。本末二致。不一其議。時運乖張。莫能誰何。敢望教致。勿加睹聞。全厥終始。依賴是幸。

荅何搢紳書

歲月易過。良辰莫遘。憶洞簫激於丹臺。甘醴飫於肺腑。今又西風解葉。鴻雁南征。知己一方。感懷烏已。某獨躑躅頭。迴絕人事。更不入城市。知徐穉之楊尙懸耳。聞清翰直溯龍江。六朝煙景。寤寐舊遊。不獲從衆。賢之末。相隨七子賦詩。效南皮之樂。悵悵何如。奉啓台函。慰悉近履。不棄草澤。覺中秋皓月。千里澄潭。徒懷蟋蟀之鳴而已。使旋遑迫。莫罄所云。秋風旅泊。願珍服食。某頓首遙復。

與屠表姪

年來希晤。自賤辰損惠。坐閒不及細談。隔來又百日矣。目疾時作。豈天不欲使僕。看依稀風景耶。聞足下復懸絳帳。不令季長獨美當時。聖學流瀉。望爲砥柱。僕十年辛苦。幾死一身。換得一頂僧帽。百苦俱備。同心如足下。能不念僕。近日諸親朋作詩相招。似不諒僕。本不出家。何云還俗。但冠裳與時不同耳。嗟乎。僕

真不過一納粟銅臭耳。比之甲申一賈榮傭，能不愧殺十年蹤跡。自知名教中罪人，口誦先聖之書，身被佛氏之服，風人斯詠，宜乎見譏。然思之今日抱罪甘心，又以先人一線是墜，夢我泯滅，思之今日抱罪甘心，業已佯狂成癩，雖扁咸不能再起，至愚至不肖，肯以十年僧帽易此□□哉。十年榮根，易此腥膻哉。佛教先賢原稱異端，復思今日名之曰異端，亦已甘心。昨有客相問，僕荅曰：從來優伶能唱生旦曲者，至老不過走楊花提傀儡耳，不曾見有能作淨丑者，相與大噓，以足下爲同心之言，一併相及，舊作二紙附教目疾未痊，筆墨潦草，情緒不堪，語不倫次，閱畢焚之。

勸景鴻

嗚呼，爾父生爲余戚，死爲余師。甲乙之變，普天同泣，同一丈夫。嗚呼，爾父慷慨盡節，余實厚顏，淹忽十載，夙夜慚惶，師心在目。余生猶戀一鉢，爾父死，寡母二孤，焚焚何藉，誰爲痛心。世險人危，炎涼莫測，辛卯之秋，以爾託跡空門。嗚呼，豈爲衣食爾哉，蓋有望於爾也。爾思之，爾來六年矣。衣爾，衣爾父也；食爾，食爾父也。豈衣食爾哉，蓋有望於爾，有望於爾父也。爾思之，今爾年十八矣，爾能爲人，余實報之。爾不能爲人，豈徒無益。嗚呼，皇天后土，實鑒余誠，有譏余以爾同一行童沙彌是蓄，因作是書勸爾，並以自勸。嗚呼，他人豈能窺余哉，蓋亦有望於爾也。父乎父乎，爾能爲人，余甯是譏，爾不能爲人，余亦何俾。爾思之，戒之，勉之，日舒覽之。

示兩兒

大道廢，良心滅。日月崩，五倫絕。人心喜聞人過，喜發人非。未有今日之甚。汝父十年狼狽，跡寄空門。所爲何事？惟知汝祖父一生礪節，表立當時。爲子孫能不痛惜餘風？俾不爲人指背笑詈。夙夜皇皇，惟恐不逮。今年頭顱四十五矣，齒落髮斑，瘡疾三載，日病半年。一身弊衲，蟻蝨盈膚。豈父母遺體之性成哉？蓋不得已也。甲乙之讐，人人不共。忠臣殉節，義士捐軀，惟恐不逮。汝父生不逢辰，淹蹇自棄，上不能爲忠臣義士，下不能與俗狗時。古人飛遜殊塗，今日惟有爲僧，猶衣敝服。豈念祖父誓香，儼稱曰釋氏哉？十年心事，無人知之。天地鬼神知之，祖父知之，汝能知之。閏年十八，苟年十六，不爲小矣。忠孝節義，聖賢血脈，略具人形。良心自覺，自唐虞以迄我明，繼世應運，其間順逆邪正，昭昭史冊。炳炳日星，忠孝節義，何代無之？良心不死，不因貴賤。故宰相有宰相忠孝節義，乞丐有乞丐忠孝節義。率土之義，存乎其人。祖父數世衣冠，能不念及？古人有言：聞人過如聞父母名，豈反欲使我成此過耶？他人不知，汝豈不知？向不欲向汝言，今因親友之言，因事論事，不得不言。我生死早置度外，遲速閒耳。浮名猶恥，倘遂我志，得終緇服，雖死猶生。餘喘繩床，亦不過苟延性命。但汝後讀書，要識聖賢之心，聖賢之心，忠孝節義而已。他不具論。閏苟知之。

午日邀宛陵劉居士

介子之淚未收，屈子之淚復流。轉盼芳辰，生何如死？新竹掃雲，赤葵向日。濁酒卮醪，來話苦辛。莫謂對面無敬亭山也。何日烹驚羹，眞當泛桃花潭耳。

與吳危齋

命、夫子罕言、非罕言也、難言也、非難言也、深於言也、季主、君平、公明之徒、直得夫子旨、蓋難言於世、肆言數術、與子言孝、與臣言忠、豈非隱於忠孝、邈於世者也、某尙貪生、徒隱於一鉢、身名何藉、乃敢侈望考終、但有一日得觀白日青天、優游泉石、斯不負指南也、嗟乎、而今而世、誰能造命哉、

又

僕幼既失學、壯亦蹉跎、彭澤有言、本既不豐、老病繼之、若爲僕謂、欲頌高風、惟此爲恨、秋月照兩山、恐有人識韓康、則灞陵山中有待、天涯睽隔、聚首無期、前所贈硯、仍留郎君、以當呂虔佩刀、并命景鴻祖道、

又

手示更悉、吳門之錢、西山之作、僕謂未然、此時霜雪未凝、何山松柏、能後凋也、拙作二紙、未可馳郵中、當蓋棺諸公爲定本、迂見乃爾、諒許同、

又

省示、詢及景鴻尊人、圓中紀詠、識語顛末、山濤之淚、與足下共下也、當求所遺相報、兒輩趨庭無日、染俗日深、回首不堪、早識天命、乃辱大譽、非文季之言、倘造物盈虛、事在足下、

荅二勝和尚

積歲曠而相思爲勞、清風時來、明月時去、若無情也、弟病眼幾盲、如生在腳下、但知可入重泉、修寫數畝、心裏作枯葦、但知烈火日焚、避人如讐、只堪闔戶、正想春華、不慕歲寒、忽承貽我大士像、一瓶甘露、從頂